

禁塵垢之衣以蔽形心在太一誦誦經白日  
修善慕守生被髮而行在黃庭上啓太上道  
姓名一出玄都入太清口授異訣過災劫念  
世愚子不知生何當合會隨邪靈太一來下  
條姓名恐子一身不久停發願不死從吾經  
天師曰大道垂律女青所傳三五七九長生  
之本以奉行世世相傳子有心分來入吾炁  
自當思行仁義六合守忠專一養性以道為  
家不得負違

太上真言師老太一今故以元年正月七日  
奉行從者千人之中有王長趙昇二人可以  
道炁化度令畢得長生大義

不得犯男女神靈  
不得祠祭故炁  
不得淫色違慢  
不得兩心不正  
不得露行三光  
不得與鬼通同  
不得入俗勝真  
急有厄呼嗟鬼神

不得呼天引地  
不得指鬼呼神  
不得言炁不明  
不得妄傳鬼教  
不得犯五靈七政  
不得干亂神祇  
不得行來出入以

### 女青鬼律卷之五

力九



### 女青鬼律卷之六

天師曰自頃年以來陰陽不調水旱不適災  
變屢見者皆由人事失理使其然也人為中  
才法地則天動靜以時通而不爭利而无害  
故能神仙末世廢道急競為身不順天地伐  
逆師尊尊卑不別上下乖離善惡不分賢者  
隱匿國无忠臣亡義達仁法令不行更相欺  
詐致使寇賊充斥誇辱中華萬民流散荼毒  
飢寒被死者半十有九傷豈不痛哉豈不痛  
哉亂不可久狼子宜除道運應興太平期近  
今當驅除留善種人男女祭酒一切生民急  
相核實搜索忠賢恭慕道德按名列言自然  
者寡督厲宜勤若能改過即為勲人人无尊  
卑不遵貴賤唯惡為真不得私飾所舉恭錯  
不直之人此者坐之无望久活帝王牧守長  
吏百僚若信吾言舉善而教不能則勸流刑  
行仁祭酒領錄條列上天有勞顯報位登神  
仙有不用心憚勞迴避不肯著名奉行善者  
即還惡人陷於驅除直符疏記毫分不差百  
姓樂善得為善人時還本鄉以安國土人人

力九

五

念善天下太平禍亂不作災害不生豈不快乎豈不快乎今遣五主各領萬鬼分布天下誅除凶惡被誅不得稱狂察之不得妄救鬼若濫謀加善人主者解釋祐而護之鬼若不去嚴加收治賞善罰惡明導道科

東方青炁鬼主姓劉名元達領萬鬼行惡風之病

南方赤炁鬼主姓張名元伯領萬鬼行熱毒之病

西方白炁鬼主姓趙名公明領萬鬼行注炁之病

北方黑炁鬼主姓鍾名士季領萬鬼行惡毒靈亂心腹絞痛之病

中央黃炁鬼主姓史名文業領萬鬼行惡瘡癰腫之病

右五方鬼主諸欲著名生錄為種民者按此文書隨病呼之知領鬼姓名病即差矣人人各寫一通繫身讀之今罹災害皆消東方青溫鬼名欲遠南方赤溫鬼名士言

西方白溫鬼名堯

北方黑溫鬼名天選

中央黃溫鬼名太黃奴

第六溫鬼名誅女

第七溫鬼名伯陵

祖父名梁州

祖母名交成

父名延年

母名出中

右五方溫鬼兄弟七人合祖父母父母十

一形能飛隨月行毒以誅惡人

一蠱鬼名釋渠

二蠱鬼名欲

三蠱鬼名禮欲

四蠱鬼名成晏

五蠱鬼名不釋

六蠱鬼名烏悟

七蠱鬼名綠支

八蠱鬼名育夷

九蠱鬼名石千

右九蠱之鬼行諸惡毒妖媚蠱亂天下與

五溫鬼太黃奴等共行毒炁也

正月溫鬼名惟

二月溫鬼名腫

三月溫鬼名劉

四月溫鬼名存

五月溫鬼名空

六月溫鬼名祥

七月溫鬼名半

八月溫鬼名懷

九月溫鬼名農

十月溫鬼名甲

十一月溫鬼名贏

十二月溫鬼名堅

右十二月溫鬼各隨其月放逸天下傷害

群生

子日溫鬼名根

丑日溫鬼名蕩

寅日溫鬼名怡

卯日溫鬼名疑

1 1/2 A 1111

辰日温鬼名厄

巳日温鬼名愛

午日温鬼名悟

未日温鬼名奴長

申日温鬼名未

酉日温鬼名石

戌日温鬼名志

亥日温鬼名憂

右十二日温鬼各各直其日從十二時支

于上來疾病民人日月鬼蠱並順劉元達

等毒害五方不行道戒皆受其殃行善精

懃存道遵教能知名皆共降伏法應去者

各自遠避制應留者却其凶黨更相約束

不犯善人

具時病人之鬼名文通

金精鬼名因允

木精鬼名倚震

火精鬼名附離

水精鬼名託坎

土精鬼名乘艮

五精鬼名矯乾

遊獨鬼名獲張

血食鬼名刃方

虎狼鬼名咳藐

蛇龍鬼名甲子

狐狸鬼名勾舉

龜蠶鬼名地殃

露死鬼名天殃

傷死鬼名真果

獄死鬼名史蘇堪

餓死鬼名伏藏

客死鬼名逆干

男傷鬼名克悟干

女傷鬼名艾赤丹

冢訟鬼名害知

丘丞鬼名地令

墓伯鬼名土下侯

冢下鬼名二千石

右二十四鬼放縱下羅截四方充塞六合

擅算五行更相署置官府列陣出入導從

兵馬權強殺害无辜恣意快心害福之人  
悉達其苦志士學道方術厭禳符章禁斷  
乃保利貞

斬死之鬼

故死之鬼

喪車之鬼

魁魁之鬼

天殃之鬼

殃注之鬼

雌雄之鬼

寄死之鬼

行客之鬼

地殃之鬼

天凶之鬼

地凶之鬼

天殺之鬼

地殺之鬼

日月玄符鬼

三十六殺鬼

百二十殃注鬼

千殃萬魅鬼  
魍魎精邪鬼  
迷惑不利鬼  
火逆惡注鬼  
逆道醜賊鬼

大道邪精千炁之鬼

千二百官逆之鬼

地上千師萬醫鬼

天地水三官轉逆鬼

著耳角之鬼

○ 自稱皇天上帝土玉鬼

狐狸老精自號之鬼

宅中強祥奸詐聲之鬼

宅中魔邪恐怖人之鬼

宅中靈林古瘞之鬼

宅中光怪之鬼

宅中虛耗之鬼

宅中鄙辱離怨之鬼

宅家訟連之鬼

右三十六鬼皆遊行世間乘人衰隙伺候

有惡助佐凶殃造作禍害改形易象隨便  
陵人學士知之立功建德啓告太上一切  
收治年初章奏列名斷之衆鬼畏懼悉皆  
逃亡不告者一如律令  
女青鬼律卷之六



正一威儀經 志一  
太上曰正一受道威儀初入道門詣師奉受  
券契不受券契土地山川守界真官不上道  
名治官障礙稽留難為成道受此券契天地  
門戶不敢稽留

正一受道威儀次當詣師奉受治錄三歸五  
戒不受之者則治司不書土地不明不攝五  
炁不關四司受此治錄則魔王拜伏自稱下  
官

正一受道威儀次當詣師奉受仙靈符錄不  
受之者攝名不降神不營衛宣奏不達有所  
謹按神不流行三界五帝不敬其形受此符  
錄齋戒啓奏伏鬼除魔先當使之

正一受道威儀次當詣師奉受九州杜今九  
州都統不受之者遊行九州所在山川土地  
神靈輒見稽留道路不通受此符錄鬼神敬  
奉不屬地司魔王衛形

正一受道威儀次當詣師奉受斬邪符錄斬  
邪法錄不受之者魔精鬼祿橫見千犯其病  
所侵受之者誅邪伏凶萬神潛藏土地山川